

**Broj: 07-02-7-30/1/08**  
**Mostar, 09.01.2008. godine**

Na osnovu člana 12. stav (1) i člana 14. stav (1) Statuta Regulatorne komisije za električnu energiju u Federaciji Bosne i Hercegovine („Službene novine FBiH“ br. 13/04), člana 31. stav (2), člana 37. stav (5) i člana 53. stav (2) Poslovnika o radu Regulatorne komisije za električnu energiju u Federaciji Bosne i Hercegovine („Službene novine FBiH“ br. 59/04), te člana 36. stav (6), člana 46. stav (3), člana 48. stav (1) i člana 49. Pravilnika o javnim raspravama i rješavanju zahtjeva i žalbi Regulatorne komisije za električnu energiju u Federaciji Bosne i Hercegovine („Službene novine FBiH“ br. 37/05) i Odluke o provođenju trećeg tarifnog postupka br. 07-02-7-03/1/08 od 10.01.2008. godine, rješavajući po Zahtjevu za sticanje statusa umješača koji je u FERK primljen 14.01.2008. godine pod brojem 07-02-7-18/1/08, podnosioca „Savez općina i gradova Federacije Bosne i Hercegovine“, Regulatorna komisija za električnu energiju u FBiH – FERK je, na II. redovnoj sjednici, održanoj u Mostaru dana 14.01.2008. godine, donijela sljedeći

## ZAKLJUČAK

- I. Odobrava se Zahtjev „Savez općina i gradova Federacije Bosne i Hercegovine“ za sticanje statusa umješača u tarifnom postupku i to u postupku formalne rasprave po Zahtjevu za odobrenje tarifa za djelatnost snabdijevanja električnom energijom koji je u FERK primljen 04.01.2008. godine pod brojem 07-02-7/1/08, na kojoj će se raspravljati i o prijedlogu tarifnih stavova, podnosioca Javnog poduzeća „Elektroprivreda Hrvatske zajednice Herceg Bosne“ dioničko društvo Mostar.
- II. Umješaču iz tačke I. ovog zaključka dozvoljeno je učestvovati u postupku formalne rasprave, iznositi dokaze, primjedbe i argumente i pridržavati se postavljenih rokova. Voditelj postupka može ograničiti učestvovanje umješača, u slučajevima kada je to za dobrobit efikasnog vođenja rasprave. Umješač ima i druga prava i obaveze u skladu sa odredbama Poslovnika o radu FERK-a i Pravilnika o javnim raspravama i rješavanju zahtjeva i žalbi FERK-a.
- III. Ovaj zaključak je konačan i stupa na snagu danom donošenja, te se objavljuje na oglasnoj tabli i web stranici FERK-a.

## O b r a z l o ž e n j e

Član 53. stav (2) Poslovnika o radu FERK-a propisuje da FERK može dodijeliti status umješača licu koje dokaže direktan interes za tarifni postupak, koji je različit općem javnom interesu, te da je umješaču omogućeno da učestvuje u postupku, svjedoči i zahtjeva informacije putem člana FERK-a ili voditelja postupka formalne rasprave. U skladu sa članom 46. stav (3) Pravilnika o javnim raspravama i rješavanju zahtjeva i žalbi FERK-a, kriterije za utvrđivanje prava i statusa umješača FERK određuje za svaki konkretan slučaj posebno, zavisno od okolnosti slučaja. Članom 48. stav (1) istog Pravilnika propisano je da

FERK o zahtjevu za priznanje statusa umješača odlučuje u roku od 15 dana od dana prijema zahtjeva u FERK. Članom 36. stav (6) i članom 49. istog Pravilnika propisan je način na koji umješač dostavlja svoje podneske i na koji je način ovlašten učestvovati u raspravi.

Odlukom FERK-a o provođenju trećeg tarifnog postupka br.07-02-7-03/1/08 od 10.01.2008. godine određeno je da status umješača u postupku formalne rasprave može steći pravno ili fizičko lice pod uslovom da podnese zahtjev za sticanje statusa umješača i da ispunjava kriterije: da ima direktan interes u ovom tarifnom postupku, a koji je različit od općeg javnog interesa i da raspolaže podacima i činjenicama od značaja za formalnu raspravu u ovom tarifnom postupku koji se vodi pred FERK-om. FERK je putem Obavještenja za javnost o podnesenom Zahtjevu za odobrenje tarifa za djelatnost snabdijevanja električnom energijom od strane Javnog poduzeća „Elektroprivreda Hrvatske zajednice Herceg Bosne“ dioničko društvo Mostar i održavanju formalne rasprave, objavljenog na web stranici i oglasnoj tabli FERK-a 10.01.2008. godine, odnosno u „Dnevnom listu“, „Dnevnom avazu“, „Večernjem listu“ i „Slobodnoj Dalmaciji“ 11.01.2008. godine, odredio da se zahtjev za sticanje statusa umješača može FERK-u podnijeti do 14.01.2008. godine do 14:00 sati.

Dana 14.01.2008. godine, „Savez općina i gradova Federacije Bosne i Hercegovine“ podnijelo je Zahtjev za sticanje statusa umješača u postupku formalne rasprave u trećem tarifnom postupku, koji je u FERK primljen pod brojem 07-02-7-18/1/08, a kojim je podnosilac zatražio sticanje statusa umješača u trećem tarifnom postupku i to u postupku formalne rasprave po Zahtjevu za odobrenje tarifa za djelatnost snabdijevanja električnom energijom, na kojoj će se raspravljati i o prijedlogu tarifnih stavova, podnosioca Javnog poduzeća „Elektroprivreda Hrvatske zajednice Herceg Bosne“ dioničko društvo Mostar .

U zahtjevu za sticanje statusa umješača, podnosilac je obrazložio svoj zahtjev činjenicom da su 35 članica podnosioca zahtjeva korisnici usluga JP „Elektroprivreda HZ HB“ d.d. Mostar i da su veoma zainteresovane za pitanje utvrđivanja povoljnijih tarifa za javnu rasvjetu, vrtiće, škole, bolnice i td., te zbog navedenog moli da se uključi kao umješač u održavanje pripremne i formalne rasprave.

Rješavajući po Zahtjevu za sticanje statusa umješača podnosioca u postupku formalne rasprave u trećem tarifnom postupku, FERK je uzeo u obzir ciljeve koje pred njega postavlja Zakon o električnoj energiji („Službene novine FBiH“ br. 41/02, 24/05 i 38/05) vezane za pouzdanije snabdjevanje kupaca kvalitetnom električnom energijom, zaštitu interesa korisnika sistema, kao i uvođenje konkurencije, transparentnosti i sprječavanje neželjenih efekata monopola, te obaveze FERK-a da štiti prava kupaca, elektroprivrednih društava, te nadgleda odnose u elektroenergetskom sektoru i da reguliše kvalitet usluga na svim nivoima, kao i tarife, imajući u vidu interese i potrebe svih korisnika za snabdijevanje električnom energijom.

FERK ocjenjuje da podnosilac zahtjeva „Savez općina i gradova Federacije Bosne i Hercegovine“ ima direktni interes za sticanje statusa umješača u postupku formalne rasprave u trećem tarifnom postupku na kojoj će se raspravljati i o prijedlogu tarifnih stavova, a koji je različit od općeg javnog interesa, obzirom da su veliki broj članova podnosioca zahtjeva tarifni kupci Javnog poduzeća „Elektroprivreda Hrvatske zajednice

Herceg Bosne“ dioničko društvo Mostar, ciljeve osnivanja i djelokrug rada „Saveza općina i gradova Federacije Bosne i Hercegovine“, kao i da učešće podnosioca zahtjeva u postupku može samo doprinijeti kvalitetu provođenja trećeg tarifnog postupka.

Na osnovu svega navedenog, odlučeno je kao u dispozitivu ovog zaključka.

**PREDSJEDNIK FERK-a**  
**Risto Mandrapa s.r.**